

UPRAVA DRUŠTVA  
Broj: U.D.01.04.-11639/22  
Sarajevo, 25.07.2022 godine

Na osnovu člana 45. Statuta, člana 70. stav (3) Zakona o javnim nabavkama BiH, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te preporuke Komisije za Nabavku i isporuku korisničke informatičke opreme za LOT 1 broj: 07.4-11-9- 8003-23/22 SL od 19.07.2022.godine, Uprava Društva na 149.elektronskoj sjednici održanoj dana 25.07.2022.godine, d o n o s i:

## O D L U K U

### o izboru najpovoljnijeg ponuđača u postupku nabavke i isporuke korisničke informatičke opreme za LOT 1

I

Ovom Odlukom vrši se izbor najpovoljnijeg ponuđača „**COMMERCE ENGINEERING d.o.o. Mostar**, Trg Ivana Krndelja 36, 88000 Mostar, u postupku i isporuke korisničke informatičke opreme za LOT 1, sa **ukupnom vrijednošću od 531.800,13 KM bez PDV-a, odnosno ukupnu vrijednost Ugovora od 622.206,15 KM sa uračunatim PDV-om.**

II

Izabrani ponuđač nije dužan dostaviti dokaze predviđene članom 45.Zakona o javnim nabavkama obzirom da je iste dostavio kao sastavni dio svoje ponude.

III

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima – uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

## O B R A Z L O Ž E N J E

Na osnovu Odluke o pokretanju postupka javne nabavke roba: Nabavka i isporuka korisničke informatičke opreme broj U.D.-01-.04.-8530/22 od 24.05.2022. godine i Rješenja Generalnog direktora o imenovanju komisije za provođenje postupka nabavke roba: Nabavka i isporuka korisničke informatičke opreme broj: 01-11-9-8003-8/22 od 25.05.2022. godine, Komisija je provela otvoreni postupak javne nabavke, obavještenje broj: 238-1-1-326-3-62/22 od 06.06.2022.godine na Portalu JN.

Javno otvaranje ponuda u postupku predmetne nabavke održano je dana 04.07.2022.godine u 12:15 sati, u Banket sali Generalne direkcije "JP BH POŠTA" d.o.o. Sarajevo, Obala Kulina bana br.8, o čemu je sačinjen poseban Zapisnik o otvaranju ponuda broj: 07.4-11-9-8003-22/22 SL koji je sastavni dio ovog Izvještaja. Zapisnik sa otvaranja ponuda je poslan učesnicima putem e-maila na adresu: kontakt@emado.ba., info@commerce-engineering.com i uručen lično Veldan Bratić zastupniku ponuđača po ovlaštenju.





Na Protokol Društva do roka određenog za prijem ponuda (30.05.2022.godine do 12:00 sati), pristigle su ponude slijedećih ponuđača:

1. „EMADO“ d.o.o. Sarajevo, Azize Šaćirbegović 112, 71000 Sarajevo, BiH
2. „COMMERCE ENGINEERING d.o.o. Mostar, Trg Ivana Krndelja 36, 88000 Mostar

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:

Ponuda ponuđača „EMADO“ d.o.o. Sarajevo, Azize Šaćirbegović 112, 71000 Sarajevo, BiH, broj: 19-365/22 od 04.07.2022.godine, sa ukupnom vrijednosti ponude, bez uračunatog PDV-a u iznosu od **520.000,00 KM** ne ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista neprihvatljiva za Ugovorni organ i ne može biti predmet vrednovanja.

1. Naime, analizirajući ponudu od strane imenovane Komisije, utvrđeno je da je dostavljena ponuda surotna tački 8.5.3. Tenderske dokumentacije, gdje je ugovorni organ jasno propisao da:

„8.5.3 Koverta ili paket sa ponudom se dostavlja na adresu ugovornog organa iz tačke 1.1. tenderske dokumentacije. Na koverti ponude mora biti naznačeno:

- naziv i adresa ugovornog organa;
- naziv i adresa ponuđača u lijevom gornjem uglu koverta;
- evidencijski broj nabavke – 07.4.-11-9-8003-16/22
- naziv predmeta nabavke sa naznakom LOT-a na koji se ponuda odnosi
- naznaka „NE OTVARAJ“.

Ponuđač koji dostavlja ponude za više LOT-ova, može dokumente kojima dokazuje da ne postoje razlozi za isključenje i dokaze sposobnosti koji su zajednički za više LOT-ova dostaviti na jedan od slijedećih načina:


- u posebnoj koverti na kojoj će jasno naznačiti da dostavlja dokaze za kvalifikaciju ili
- uz ponudu koja je prva po redoslijedu lotova na koji se prijavljuje ili
- posebno uz svaki LOT.

Ponuda za svaki LOT se pakuje u posebnoj koverti, i na njoj piše ponuda za LOT, broj, \_\_\_\_\_ koje se opet zajedno pakuju u jednu zajedničku kovertu. Ukoliko se dokazi o kvalifikaciji za više LOT-ova dostavljaju u posebnoj koverti, ponuđač je dužan tu kovertu i koverete sa ponudama za sve LOT-ove dostaviti u jednoj zajedničkoj koverti, na kojoj će biti izričito napisano šta je sadržaj te koverta.“

2. Dodatno, dostavljena izjava na strani 26. ponude nije originalan dokument (potpis i pečat), a samim tim ni ovjerena kopija nije u skladu kako je to zahtijevano tačkom 7.3.3. Tenderske dokumentacije.

„7.3.3 Ponuđač je dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost za LOT-ove za koji podnosi ponudu. Ukoliko su dokumenti izdati na stranom jeziku, obavezno je izvršiti njihov prevod, na jedan od službenih jezika BiH, od strane ovlaštenog sudskog tumača.“

Dostavljena ponuda nije u skladu sa propisanim, odnosno zadovoljen je uslov iz člana 68 stav (4) pod i) Zakona o javnim nabavkama (Službeni glasnik BiH br.39/14).





GENERALNA DIREKCIJA

Ponuda ponuđača „**COMMERCE ENGINEERING d.o.o. Mostar, Trg Ivana Krndelja 36, 88000 Mostar** broj: 19-365/22 od 04.07.2022.godine, sa ukupnom vrijednosti ponude, bez uračunatog PDV-a u iznosu od **531.800,13 KM** ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno –pravno, ekonomski i tehnički prihvatljiva.

Ugovorni organ je za predmetnu nabavku predvidio provođenje E-aukcije, ali s obzirom na to da je pristigla ukupno jedna prihvatljiva ponuda te cijeneći Pravilnik o uslovima i načinu korištenja e-aukcije član 3. stav 3, Ugovorni organ neće zakazivati e-aukciju već će nabavku okončati u skladu sa članom 69. Zakona.

Nakon svega gore navedenog, utvrđena je konačna rang lista ponuđača koji su ispunili kvalifikacione uslove i to kako slijedi:

Red. br.	Naziv ponuđača	Ukupna cijena ponude sa uračunatim popustom bez PDV-a u KM
1	„ <b>COMMERCE ENGINEERING d.o.o. Mostar, Trg Ivana Krndelja 36, 88000 Mostar</b> ”	<b>531.800,13 KM</b>

Cijeneći navedeno donesena je odluka kao u dispozitivu.

**PRAVNA POUKA:** Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama i to radnim danima u radno vrijeme.

  
**GENERALNI DIREKTOR**  
**mr.sci. Mirsad Mujić**

Dostaviti:

- Sektoru za razvoj i informacioni sistem (Nosioc posla)
- Marketingu ( za objavu)
- Sektoru za EKF poslove
- Odjeljenju za Javne nabavke
- Ponuđačima putem Odjeljenja za javne nabavke
- Arhivi U.D.
- a/a

